


内閣文庫			
番號	漢	3157	
冊數	100	(1)	
圖號	370	44	

370-44



釋海序

漢書文庫

國立公文書館

釋海之設自昔有之先王用以
廣咨諏通諷諭而後之韻人滕
士不得志於蘭臺石室者類托
以纂組異聞羅經軼事其為用
頗猶而其流寔繁匪徒惠子之

和
書五車蓋亦虞初之志九百弗
可第廢也顧其一事之奇見者
色飛一語之艷聆者絕倒致令
閣正史於不觀對莊語而恐卧
斯又紫色蠅聲奪朱亂雅者已
景哲氏之刻稗海也得毋推波

而助之瀾乎余以為常恠之相
倚也小大之相傾也如反覆手
然善學者又歷人世之奇而後
可以反吾常猷璪贅餘皆絲棼
而櫛以之而後不躡於鉅者要
者要惟剗之以理裁之以識則

雜組文蒸同為悅目之翫胡笙
羯鼓都成入耳之娛可以窮百
家而不為百家者窮可以攝恢
詭而不為恢詭者攝斯吾景哲
氏刻稗海意也景哲孫謝曰之
刻也是吾所為賓日月而破窮

愁佐譚鋒而供懽咲者也方慮
其私類於六經駢拇於信史為
憂世者所又斥而子以為窮百
家攝恢詭過矣過矣余曰善遂
序而傳之

石匱陶望齡書



稗海自序

不佞生平絕少他嗜獨嗜古一
 念幾於成癖幼攻弟子業纔有
 餘隙輒取家奩藏書汎濫涉獵
 遇竒文軼事即心識焉而夢寐
 成誦先君嘗宦游徃涉讀書自

南而北閱歷所到搜討靡遺蓋
已與鄴侯之架競富矣迨先君
謝事歸里中屬以家政紛紛向
平婚嫁俗人腸肺六經應舉之
習反覺無味益肆力冥索旁及
野獲漢唐宋元紀史所不及載

纂組名流所不及錄雖瑣至猷
曲諧譎釋梵巫呪儺逐伶倡盡
耳聆口復目過筆書且也蠹餘
不捐蠹缺不棄牧豎刺婦之敗
紙絮帖瓦礫煨燼之殘蹟剝瀋
拾而綴之如異寶焉三十年來

暑則麾汗寒則和冰花辰月夕
則屏遊讌而俛首詮次綵帙一
百紫言五千萬有竒新異詭併
不經聞覩之譚亦既大脩辟之
大地皆水也百川萬壑總內之
海而無不容因題之曰稗海并

謀之梓人傳之人人昔蘓長公
子瞻有言吾不甚嗜酒喜多釀
酒蓋見人之飲吾酒而陶然者
吾樂甚吾飲也設有讀是集如
陶石匱序中云見一竒事而色
飛者將吾願亦為之解聞一艷

語而絕倒者將吾腹亦為之捧
知子瞻之不徒以已嗜酒也知
吾之不徒以已嗜古也一也噫
嘻索之敗紙剝藩而不以為繁
積之三十年而不以為瘁又復
剝棗伐梨給筆扎利錐刀托剖

廁氏以傳之人人而不以為費
則嗜古而癖也殆信乎其癖矣
會稽商維濬景哲父書于
繼錦堂東之精舍



會稽商鞅景帝父書于
限睿古志錄也級計乎其難矣
國天心軒之入入而不可為費



稗海目錄

第一套 新刊

博物志

晉張華撰

西京雜記

晉葛洪集

王子年拾遺記

晉王嘉著

搜神記

晉干寶著

述異記

梁任昉著

續博物志

宋李石撰

摭言

唐王保定著

稗海

目錄

和洽
三目錄

小名錄、
唐陸龜蒙著

雲溪友議
唐范攄著

獨異志
唐李冗著

第二套

杜陽雜編
唐蘇鶚著

東觀奏記
唐裴庭裕著

大唐新語
唐劉肅著

北夢瑣言、
唐孫光憲著

因語錄
唐趙璘著

玉泉子
唐 著

樂善錄
宋李昌齡著

第三套

蠡海集
宋玉達著

過庭錄
宋范公稱著

泊宅編
宋方勺著

開窓括異志
宋魯應龍著

搜採異聞錄
宋永亨著

東軒筆錄
宋魏泰著

三目錄
二

和
不
錄

青箱雜記

宋吳處厚著

避暑錄話

宋葉夢得著

畫墁錄

宋張舜民著

第四套

游宦紀聞

宋張世南著

夢溪筆談

宋沈括著

侍兒小名錄拾遺

宋張邦基著

補侍兒小名錄

宋王銍著

續侍兒小名錄

宋溫豫著

墨莊漫錄

宋張邦基著

第五套

懶真子

宋馬永卿著

歸田錄

宋歐陽修著

東坡志林

宋蘇軾著

龍川別志

宋蘇轍著

澗水燕談

宋王闢之著

冷齋夜話

宋僧惠洪著

老學庵筆記

宋陸務觀著

厚
錄

三

第六套

雲麓漫抄

宋趙彥衛著

蒙齋筆談

宋鄭景望著

石林燕語

宋程棨著

清波雜志

宋周輝著

墨客揮犀

宋彭乘著

異聞總錄

宋 著

遂昌雜錄

宋鄭元祐著

續稗海目錄

第七套

酉陽雜俎

唐段成式著

宣室志

唐張 讀著

鶴林玉露

宋羅大經著

第八套

儒林公議

侯鯖錄

聊趙德麟著

睽車志

宋郭 彖著

新刊 卷之九

癸辛雜識

宋周 密著

癸辛外集

癸辛新集

癸辛後集

江陰雜志

第九套 卷之六至卷之九

程史

宋岳 珂著

隨隱漫錄

宋陳隨隱著

山房隨筆

楓窻小牘

百歲寓翁著

許彥周詩話

耕祿稿

宋胡 錡著

厚德錄

宋李元綱著

西溪叢語

宋姚 寬著

補筆談

附儲華谷祛疑說
學齋估異

沈 括著

第十套

野客叢書

宋王 楙著

螢雪叢說

宋子俞子著

續編 卷之十

後山居士詩話

孫公談圃

宋孫

升

龍城

蘇軾

學蘇州

或

詩

西

宋

實

學

宋

示

抹

宋

論

精

蘇

百

文

校閱稗海姓氏

總校

商為正

字尚德

浙江會稽人

鈕緯

字仲文

浙江會稽人

孫鑛

字文融

浙江餘姚人

陶望齡

字周望

浙江會稽人

分校

商維濬 字景哲 浙江會稽人

商維濩 字叔護 浙江會稽人

商周祚 字明兼 浙江會稽人

陳汝元 字起侯 浙江山陰人

金大輅 字輪始 浙江山陰人

謝伯美 字開美 浙江會稽人

鈕承芳 字汝實 浙江會稽人

博物志卷第一

晉司空張華茂先撰

明會稽商濬校

余視山海經及禹貢爾雅說文地志雖曰悉備各有所不載者作畧說出所不見麗言遠方陳山川位象吉凶有徵諸國境界犬牙相入春秋之後並相侵伐其土地不可具詳其山川地澤畧而言之正國十二博物之士覽而鑒焉

地理畧自魏氏目已前夏禹治四方而制之

河圖括地象曰地南北三億三萬五千五百里地部

之位起形高大者有崑崙山廣萬里高萬一千里
神物之所生聖人仙人之所集也出五色雲氣五
色流水其泉南流入中國名曰河也其山中應于
天最居中八十城布繞之中國東南隅居其一分
是姦城也

中國之城左濱海右通流沙方而言之萬五千里東
至蓬萊西至隴右右跨京北前及衡岳堯舜土萬
里三代時七千里亦無常隨德優劣也

堯別九州舜爲十二

秦前有藍田之鎮後有吳苑之塞左嶠函右隴蜀西
通流沙險阻之國也

蜀漢之土與秦同域南跨邛笮北阻褒斜西卽隈礙
隔以劔閣窮險極峻獨守之國也

周在中樞西阻嶠谷東望荆山南面少室北有大嶽
三河之分雷風起四險之國也

魏前枕黃河背障水瞻王屋望梁山有藍田之寶浮
地之淵也

趙東臨九州西瞻恒嶽有沃瀑之流飛狐并陘之險

至于潁陽涿鹿之野

燕却背沙漠進臨易水西至君都東至於遼長蛇帶
塞險陸相乘也

齊南有長城巨防陽關之險北有河濟足以爲固越
海而東通于九夷西界岱嶽配林之險坂固之國
也

魯前有淮水後有岱嶽蒙羽之向洙泗之流大埜廣
土曲阜泥丘

宋北有泗水南迄睢過有孟豬之澤碭山之塞也

楚後背方城前及衡嶽左則彭蠡右則九疑有江漢
之流實險阻之國也

南越之國與楚爲鄰五嶺已前至于南海負海之邦
交趾之土謂之南裔

吳左洞庭右彭蠡後濱長江南至豫章水戒險阻之
國也

東越通海處南北尾間之間三江流入南海通東治
山高海深險絕之國也

衛南跨于河北得洪水南過漢上左通魯澤右指黎

山

讚曰

地理廣大 四海八方 遐遠別域 畧以難詳

侯王設險 守國保疆 遠遮川塞 近備城隍

司察姦非 禁禦不良 勿恃危阨 恣其淫荒

無德則敗 有德則昌 安屋猶懼 乃可不亡

進用忠良 社稷永康 教民以孝 舜化以彰

地

天地初不足故女媧氏練五色石以補其闕斷鼇足

以立四極其後共工氏與顓頊爭帝而怒觸不周

之山折天柱絕地維故天後傾西北日月星辰就

焉地不滿東南故百川水注焉

崑崙山北地轉下三千六百里有八玄幽都方二十

萬里地下有四柱四柱廣十萬里地有三千六百

軸犬牙相舉

泰山一曰天孫言為天帝孫也主召人魂魄東方萬

物始成知人生命之長短

考靈耀曰地有四遊冬至地上北而西三萬里夏至

地下南而東三萬里、春秋二分其中矣、地常動不止、譬如人在舟而坐、舟行而人不覺、七戎六蠻、九夷八狄、形總而言之、謂之四海、言皆近海、海之言晦昏無所覩也。

地以名山為輔佐、石為之骨、川為之脈、艸木為之毛、土為之肉、三尺以上為糞、三尺以下為地。

山

五嶽、華、岱、恒、泰、嵩

按北太行山而北去、不知山所限極處、亦如東海不

知所窮盡也。

石者金之根、甲石精流以生水、水生木、木含火、

水

漢北廣遠、中國人少、有至北海者、漢使驃騎將軍霍

去病北伐、單于至瀚海而還、有北海明矣。

周日用曰余聞

北海言蘇武牧羊之所、去年德甚邇、抵一池、號北海、蘇武牧羊常在于是耳、北地見有蘇武湖、非北海。

漢使張騫渡西海至大秦、西海之濱有小崑崙、高萬仞、方八百里、東海廣漫、未聞有渡者。

南海短狄未及西南夷以窮斷金渡南海至交趾者不絕也

史記封禪書云威宣燕昭遣人乘舟入海有蓬萊方丈瀛州三神山神人所集欲採仙藥蓋言先有至之者其鳥獸皆白金銀為宮闕悉在渤海中去人不遠

四瀆河出崑崙墟江出岷山濟出王屋淮出桐栢八流亦出名山渭出鳥鼠漢出嶓冢洛出熊耳涇出少室汝出燕泉泗出涪尾沔出月台沃出太山水

有五色有濁有清汝南有黃水華山有黑水汴水淵或生明珠而岸不枯山澤通氣以興雷雲氣觸石膚寸而合不崇朝以雨

江河水赤名曰泣血道路涉駭於河以處也

山水總論

五嶽視三公四瀆視諸侯諸侯賞封內名山者通靈助化位相亞也故地動臣叛名山崩王道訖川竭神去國隨已亡海投九仞之魚流水涸國之大誠也澤浮舟川水溢臣盛君衰百川沸騰山冢卒崩

高峴爲谷深谷爲陵小人握命君子陵遲白黑不
別大亂之徵也

援神契曰五嶽之神聖四瀆之精仁河者水之伯上
應天漢太山天帝孫也主召人魂魄東方萬物始
成故知人生命之長短

五方人民一

東方少陽日月所出山谷清其人佼好

西方少陰日月所入其土窈冥其人高鼻深目多毛

南方大陽土下水淺其人大口多傲

北方太陰土平廣深其人廣面縮頸

中央四析風雨交山谷峻其人端正

南越巢居北朔穴居避寒暑也

東南之人食水產西北之人食陸畜食水產者龜蛇
螺蛤以爲珍味不覺其腥也食陸畜者狸兔鼠雀
以爲珍味不覺其膾也

有山者採有水者漁山氣多男澤氣多女平衍氣仁
高凌氣犯叢林氣蹙故擇其所居居在高中之平
下中之高則產好人

居無近絕溪群冢狐蟲之所近此則死氣陰匿之處也

山居之民多癭腫疾由於飲泉之不流者今荆南諸

山郡東多此疾瘡由踐土之無鹵者今江外諸山

縣偏多此病也盧氏曰不然也在山南人有之北人及吳楚無此病蓋南出黑水水

土然也如是不流泉井界者尤無此病也

物產

地性含水土山泉者引地氣也山有沙者生金有穀

者生玉名山生神芝不死之艸上芝為車馬中芝

為人形下芝為六畜土山多雲鐵山多石五土所

宜黃白宜種禾黑墳宜麥黍蒼赤宜菽芋下泉宜

稻得其宜則利百倍

和氣相感則生朱艸山出象車澤出神馬陵出黑丹

阜出土怪江出大貝海出明珠人主壽昌民延壽

命天下太平

名山大川孔穴相內和氣所出則生石脂玉膏食之

不死神龍靈龜行於穴中矣

神宮在高石沼中有神人多麒麟靈芝之神艸有英泉

飲之服三百歲乃覺不死去琅琊四萬五千里
 三株樹生赤水之上
 員丘山上有不死樹食之乃壽有赤泉飲之不老多
 人蛇為人害不得居也

博物志卷第一終

博物志卷第二

外國

夷海內西北有軒轅國在窮山之際其不壽者八百
 歲渚沃之埜鸞自舞民食鳳卵飲甘露
 白民國有乘黃狀如狐背上有角乘之壽三千歲
 君子國人衣冠帶劍使兩虎民衣野絲好禮讓不爭
 土千里多薰華之艸民多疾風氣故人不番息好
 讓故為君子國

三苗國昔唐堯以天下讓于虞三苗之民非之帝殺

有苗之民叛浮入南海爲三苗國

驩兜國其民盡似仙人帝堯司徒驩兜民常捕海島中人面鳥口去南國萬六千里盡似仙人也

大人國其人孕三十六年生白頭其兒則長大能乘雲而不能走蓋龍類去會稽四萬六千里

厭光國民光出口中形盡似猿猴黑色

結胸國有滅蒙鳥奇肱民善爲扞扛以殺百禽能爲飛車從風遠行湯時西風至吹其車至豫州湯破其車不以視民十年東風至乃復作車遣返而其

國去玉門關四萬里

羽民國民有翼飛不遠多鸞鳥民食其卵去九嶷四萬三千里

穿胸國昔禹平天下會諸侯會稽之塗防風氏後到殺之夏德之盛二龍降庭禹使范成光御之行域外旣周而還至南海經防風防風之神二臣以塗山之戮見禹便怒而射之迅風雷雨二龍昇去二臣恐以刃自貫其心而死禹哀之乃拔其刃療以不死之艸是爲穿胸民

博物志
九之三
交趾民在穿胸東

孟舒國民人首鳥身其先王爲雲氏訓百禽夏后之
世始食卵孟舒去之鳳凰隨焉

異人

河圖玉板云龍伯國人長三十丈生萬八千歲而死
大秦國人長十丈中秦國人長一丈臨洮人長二
丈五尺

禹致羊臣于會稽防風氏後至戮而殺之其骨專車
長欲喬如身橫九畝長五丈四尺或長十丈

秦始皇二十六年有大人十二見于臨洮長五丈足
迹六尺東海之外大荒之中有大人國僬僥氏長
三丈時含神霧

日東北極人長九丈

東方有蟾螂沃焦防風氏長三丈短人處九寸遠夷
之民雕題黑齒穿胸檐耳大足岐首

子利國人一手二足拳反曲

無啟民居穴食土無男女死埋之其心不朽百年還
化爲人細民國其肝不朽百年而化爲人皆穴居

處二國同類也

蒙奴民昔高陽氏有同產而為夫婦帝放之北埜相
抱而死神鳥以不死艸覆之七年男女皆活同頸
二頭四手是為蒙奴民

有一國亦在海中純女無男又說得一布衣從海浮
出其身如中國人衣兩袖長二丈又得一破船隨
波出在海岬邊有一人項中復有面生得與語不
相通不食而死其地皆在沃沮東大海中

南海外有鮫人水居如魚不廢織績其眼能泣珠

嘔絲之埜有女子方跪據樹而嘔絲北海外也

江陵有猛人能化為虎俗又云虎化為人好着紫葛
人足無踵

日南有埜女群行見丈夫狀晶目裸袒無衣禪

異俗

越之東有駭沐之國其長子生則解而食之謂之宜

弟父死則負其母而弃之言鬼妻不可與同居

周

用曰既其母為鬼妻則其為鬼子亦合弃之矣是以合蠻夷于禽獸犬豕一等矣禽獸犬豕之徒猶應乃然也

楚之南有炎人之國其親戚死朽其肉而弃之然後埋其骨乃為孝也

秦之西有義渠國其親戚死聚柴積而焚之熏之即煙上謂之登遐然後為孝此上以為政下以為俗

中國未足為非也此事見墨子

周日用曰此事庶幾佛國之法且如

是乎中國之徒亦如是也

荆州極西南界至蜀諸民曰獠子嬭人妊娠七月而產臨水生兒便置水中浮則取養之沈便弃之然千百多浮既長皆拔去上齒牙各一以為身飾

毋丘儉遣王領追高句麗王宮盡沃沮東界問其者

老言國人常乘船捕魚遭風吹數十日東得一島

上有人言語不相曉其俗常以七夕取童女沈海

交州夷名曰俚子俚子弓長數尺箭長尺餘以焦銅

為鏑塗毒藥于鏑鋒中人即死不時飲藏即腹脹

沸爛須臾肌肉都盡唯骨耳其俗誓不以此藥法

語人治之飲婦人月水及糞汁時有差者唯射猪

犬者無恙以其食糞故也焦銅者故燒器其長老

唯別焦銅聲以物杵之徐聽其聲得焦毒者便鑿

博物志
取以爲箭鏑

景初中蒼梧吏到京云廣州西南接交州數郡桂林
晉興寧浦間人有病將死便有飛蟲大如小麥或
云有甲在舍上人氣絕來食亡者雖復撲殺有斗
斛而來者如風雨前後相尋續不可斷截肌肉都
盡唯餘骨在更去盡貧家無相纏者或殞殮不時
皆受此弊有物力者則以衣服布帛五六重裹亡
者此蟲惡梓木氣卽以板鄣防左右并以作器此
蟲便不敢近也入交界更無轉近郡亦有但微少

耳

異產

漢武帝時弱水西國有人乘毛車以渡弱水來獻香
者帝謂是常香非中國之所乏不禮其使留久之
帝幸上林苑西使至乘輿間并奏其香帝取之看
大如鸞卵三枚與棗相似帝不悅以付外庫後長
安中大疫宮中皆疫病帝不舉樂西使乞見請燒
所貢香一枚以辟疫氣帝不得已聽之宮中病者
登日竝差長安中百里咸聞香氣芳積九十餘日

香猶不歇帝乃厚禮發遣餞送

一說漢制獻香不滿斤西使臨去乃發香氣如大豆者拭著宮門香氣聞長安數十里經數月乃歇漢武帝時西海國有獻膠五兩者帝以付外庫餘膠半兩西使佩以自隨後從武帝射于甘泉宮帝弓弦斷從者欲更張弦西使乃進乞以所送餘香膠續之座上左右莫不怪西使乃以口濡膠為水注斷弦兩頭相連注弦遂相著帝乃使力士各引其一頭終不相離西使曰可以射終日不斷帝大怪

左右稱奇因名曰續弦膠

周書曰西域獻火浣布昆吾氏獻切玉刀火浣布汗則燒之則潔刀切玉如脂布漢世有獻者刀則未聞

魏文帝黃初三年武都西都尉王褒獻石膽二十斤四年獻三斤

臨邛火井一所從廣五尺深二三丈井在縣南百里昔時人以竹木投以取火諸葛丞相往視之後火轉盛熱盆蓋井上煮鹽得鹽入于家火即滅訖今

博物志
不復燃也酒泉延壽縣南山名火泉火出如炬
徐公曰西域使王暢說石流黃出足彌山去高昌八
百里有石流黃數十丈從廣五六十畝有取流黃
晝視孔中上狀如煙而高數尺夜視皆如燈光
高尺餘暢所親見之也言時氣不和皆往保此山

博物志卷第二終

博物志卷第三

異獸

漢武帝時大苑之北胡人有獻一物大如狗然聲能
驚人雞犬聞之皆走名曰猛獸帝見之怪其細小
及出苑中欲使虎狼食之虎見此獸卽低頭著地
帝爲反覲見虎如此欲謂下頭作勢起搏殺之而
此獸見虎甚喜舐唇搖尾徑往虎頭上立因搨虎
面虎乃閉目低頭匍匐不敢動搨鼻下去下去之
後虎尾下頭起此獸顧之虎輒閉目

後魏武帝伐冒頓經白狼山逢師子使人格之殺傷甚衆王乃自率嘗從軍數百擊之師子哮吼奮起左右咸驚王忽見一物從林中出如狸起上帝車輒師子將至此獸便跳起上師子頭上師子即伏不敢起于是遂殺之得師子一還來至洛陽三千里雞犬皆無鳴吠

九守有神牛乃生谿上黑出時共鬪即海沸黃或出鬪斫上家牛皆怖人或遮則霹靂號曰神牛

昔日南貢四象各有雌雄其一雄死于九真乃至南海百有餘日其雌塗土著身不飲食莖艸長史問其所以聞之輒流涕矣

越巂國有牛稍割取肉牛不死經日肉生如故大宛國有汗血馬天馬種漢魏西域時有獻者文馬赤鬣身白似若黃金名古黃之乘復薊之露犬也能飛食虎豹

蜀山南高山上有物如獼猴長七尺能人行健走名曰猴攬一名化或曰狻攬同行道婦女有好者輒盜之以去人不得知行者或每遇其旁皆以長繩

相引故不免此得男子氣自死故取女也取去爲
室家其年少者終身不得還十年之後形皆類之
意亦迷惑不復思歸有子者輒俱送還其家產子
皆如人有不食養者其母輒死故無敢不養也及
長與人不異皆以楊爲姓故今蜀中西界多謂楊
率皆猥獲化之子孫時時相有獲爪者也
小山有獸其形如鼓一足如蠶澤有委蛇狀如轂長
如轅見之者霸

猩猩若黃狗人面能言

異鳥

崇丘山有鳥一足一翼一目相得而飛名曰童見則
吉良乘之壽千歲

比翼鳥一青一赤在參嶠山

有鳥如鳥文首白喙赤足曰精衛故精衛常取西山
之木石以填東海

越地深山有鳥如鳩青色名曰冶鳥穿大樹作巢如
升器其戶口徑數寸周飾以土堊赤白相次狀如
射侯伐木見此樹卽避之去或夜冥人不見鳥鳥

亦知人不見已也鳴曰咄咄上去明日便宜急上
 樹去咄咄下去明日便宜急下樹去若使去但言
 笑而不已者可止伐也若有穢惡及犯其止者則
 虎通夕來守人不知者即害人此鳥白日見其形
 鳥也夜聽其鳴人也時觀樂便作人悲喜形長三
 尺澗中取石鱗就人火間炙之不可犯也越人謂
 此鳥為越祝之祖

異蟲

南方有落頭蟲其頭能飛其種人常有所祭祀號曰
 蟲落故因取之焉其飛因晚便去以耳為翼將脫
 還復著體吳時往往得此人也

江南山谿中水射工蟲甲類也長一二寸口中有弩

形氣射人影隨所著處發瘡不治則殺人今鸚鵡

蟲溺人影亦隨所著處生瘡盧氏曰以雞腸草搗

曰萬物皆有所相感愚聞以霹靂木擊鳥影
 其鳥應時落地雖未嘗試以是類之必有之

蝮蛇秋月毒盛無所蜇螫嚙艸木以泄其氣艸木即
 死人樵採設為艸木所傷刺者亦殺人毒甚于蝮
 齧謂之蛇迹也

萃山有蛇名肥遺六足四翼見則天下大旱
常山之蛇名率然有兩頭觸其一頭頭至觸其中則
兩頭俱至孫武以喻善用兵者

異魚

南海有鱐魚狀似鼉斬其頭而乾之去齒而更生如
此者三乃止

東海中有牛體魚其形狀如牛剝其皮懸之潮水至
則毛起潮水去則毛伏

東海蛟錯魚生子子驚還入母腸尋復出

吳王江行食鱠有餘弃于中流化為魚今魚中有名
吳王鱠餘者長數寸大者如筋猶有鱠形

廣陵陳登食膾作病華佗下之膾頭皆成蟲尾猶是
膾

東海有物狀如凝血從廣數尺方員名曰鮓魚無頭
目處所內無藏衆蝦附之隨其東西人煮食之

異艸木

太原晉陽以北生屏風艸

海上有艸焉名蒹其實食之如大麥七月稔俗名曰

博物志
自然穀或曰禹餘糧

蒟音師

堯時有屈佞艸生于庭佞人入朝則屈而指之又名
指佞艸

右詹山帝女化為詹艸其葉鬱茂其華黃實如豆服
者媚于人

止些山多竹長千仞鳳食其實去九疑萬八千里

江南諸山郡中大樹斷倒者經春夏生菌謂之椹食
之有味而忽毒殺人云此物往往自有毒者或云
蛇所著之楓樹生者啖之令人笑不得止治之飲

土漿即愈

博物志卷第三終

博物志

卷之三

土梁鳴食

博物志卷第四

物性

九竅者胎化八竅者卵生龜鼈皆此類咸卵生影伏
白鷓雄雌相視則孕或曰雄鳴上風則雌孕

兔舐毫望月而孕口中吐子舊有此說余目所未見也

大腰無雄龜鼈類也無雄與蛇通氣則孕細腰無雌
蜂類也 取

桑蠶卽阜螽子呪而成子詩云螟蛉之子蜾蠃負
之是也

蠶三化先孕而後交不交者亦產子子後爲蠶皆無
眉目易傷收採亦薄

鳥雌雄不可別翼右掩左雄左掩右雌二足而翼謂
之禽四足而毛謂之獸

鵲巢門戶背太歲得非才智也

鸛雉長毛雨雪惜其尾栖高樹杪不敢下食往往餓
死時魏景初中天下所說

鸛水鳥也伏卵時卵冷則不拂取礬石用繞卵以時
助燥氣故方術家以鸛巢中礬石

山鷄有美毛自愛其色終日映水目眩則溺死

龜三千歲旋于卷耳之上

屠龜解其肌肉唯腸連其頭而經日不死猶能齧物

鳥往食之則爲所得漁者或以張鳥遇神地復續

蟻螯以背行快于足用

周官云貉不渡汶水鸛不渡濟水魯國無鸛鴒來巢

記異也

橘渡江北化爲枳今之江東甚有枳橘

百足一名馬蚘中斷成兩段各行而去

物理

凡月暈隨灰畫之隨所畫而闕

淮南子云未詳其法

麒麟鬪而日蝕鯨魚死而彗星出嬰兒號而母乳出

蠶弭絲而商弦絕

莊子云地三年種蜀黍其後七年多蛇

積艾艸三年後燒津液下流成鉛錫已試有驗

煎麻油水氣盡無烟不復沸則還冷可水手攪之得

水則焰起散卒不滅此亦試之有驗

蓬州灞水以金銀鐵器盛之皆漏唯瓠葉則不漏

龍肉以醢漬之則文章生

積油滿萬石則自然生火武帝泰始中武庫火積油

所致也

物類

燒鉛錫成胡粉猶類也燒丹朱成水銀則不類物同

類異用者

石 魏文帝所記諸物相似亂真者

武夫怪石似美玉

蛇牀亂藤蕪

薺萐亂人參

杜衡亂細辛

雄黃似石流黃

鱖魚相亂以有大小相異

敵木亂門冬

百部似門冬

房葵似狼毒

鉤吻艸與苕華相似

拔楔與草薺相似一名狗脊

藥物

烏頭天雄附子一物春秋冬夏採各異也

遠志苗曰小艸根曰遠志

芎藭苗曰江離根曰芎藭

菊有二種苗花如一唯味小異苦者不中食

葛食之殺人家葛種之三年不收後旅生亦不可

食

神仙傳云松柏脂入地千年化為茯苓茯苓化為琥

珀琥珀一名江珠今泰山出茯苓而無琥珀益州

永昌出琥珀而無茯苓或云燒蜂巢所作未詳此

二說

地黃藍首斷心分根萊種皆生女蘿寄生兔絲兔絲

寄生木上生根不着地

槿花朝生夕死

藥論

神農經曰上藥養命謂五石之練形六芝之延年也

中藥養性合歡蠲忿萱艸忘憂下藥治病謂大黃

除實當歸止痛夫命之所以延性之所以利病之

所以止當其藥應以病也違其藥失其應即怨天

尤人設鬼神矣

神農經曰藥物有大毒不可入口鼻耳目者即殺人

一曰鉤吻盧氏曰陰以黃精不相連根苗獨生者

命赤色着木懸其子山海中四曰內童狀如鵝亦

雌曰蝮也

神農經曰藥種有五毒一曰狼毒占斯解之二曰巴

豆霍汁解之三曰黎盧湯解之四曰天雄烏頭大

豆解之五曰班貓戎鹽解之毒菜害小兒乳汁解

多食飲二升

食忌

人啖豆三年則身重行止難

啖榆則眠不欲覺

啖麥稼令人力健行

飲真茶令人少眠

人常食小豆令人肌肥麤燥

食鷺麥令人骨節斷解

人食鷺肉不可入水為蛟龍所吞

人食冬葵為狗所齧瘡不差或致死

馬食穀則足重不能行

鴈食粟則翼重不能飛

藥術

胡粉白石灰等以水和之塗髻鬚不白塗訖着油單

裹令温煖候欲燥未燥間洗之湯則不得着晚晚

則多折用煖湯洗訖澤塗之欲染當熱洗髻鬚有

膩不着藥臨染時亦當拭鬚燥温之

陳葵子微火炒令爆咤散著熱地遍蹋之朝種暮生

遠不過經宿耳

陳葵子秋種覆蓋令經冬不死春有子也

周日用日
愚聞熱地

植生菜蘭將石流黃篩于其上以盆覆之即時可
待又以變白牡丹為五色皆以沃其根以紫艸汁
則變紫紅花汁則變紅並
未試于理可為此出爾雅

燒馬蹄羊角成灰春夏散着濕地生羅勒

蟬漆相合成爲神仙藥服食方云

戲術

削木令圓舉以向日以艾干後承其影則得火

取火法如用珠取火多有說者此未試

神農本草云雞卵可作琥珀其法取伏卵燉黃白渾

雜者煮及軟隨意刻作物件以苦酒漬數宿既

堅內着粉中佳者乃亂真矣此世所恒用作無不

成者

燒白石作白灰既訖積着地經日都冷遇雨及水澆

卽更燃煙焰起

五月五日埋蜻蜓頭于西向戶下埋至三日不食則

化成青真珠又云埋于正中門

蜥蜴或名蝮蛇以器養之食以朱砂體盡赤所食滿

七斤治擣萬杵點女人支體終身不滅唯房室事

則滅故號守宮傳云東方朔奏漢武帝試之有驗

取鼈挫令如碁子大搗赤莧汁和合厚以茅苞五六

月中作投地中經旬齿齿盡成鼈也

博物志卷第四終

盡如譜也

博物志卷第五

博物志卷第五

方士

魏武帝好養性法亦解方藥招引四方之術士如左

无放華佗之徒無不畢至

周日用曰曹雖好奇而心異道如何招引方術

之人乎如曰左元放而兼見殺者若非變化奚至滅身故有道者不合親之矣既要試術則可乎

魏王所集方士名

上黨王真

隴西封君達

甘陵甘始

魯女生

譙國華佗字元化

東郭延年

唐書

冷壽光

河南上式

張貂

荀子訓

汝南費長房

鮮奴辜

魏國軍吏河南趙聖卿

陽城郟儉字孟節

廬江左慈字元放

右十六人魏文帝東阿王仲長統所說皆能斷穀不食分形隱没出入不自門戶左慈能變形幻人視聽厭刻鬼魅皆此類也周禮所謂怪民王制稱挾左道者也

魏時方士甘陵甘始廬江有左慈陽城有郟儉始能行氣導引慈曉房中之術蓋辟穀不食悉號二三百歲人凡如此之徒武帝皆集之于魏不使遊散甘始老而少容曹子建密問其所行始言本師姓韓字世雄嘗與師于南海作金投數萬斤于海又取鯉魚一雙鯉遊行沈浮有若處淵其與藥者已熟而食言此藥去此踰遠萬里已不可行不能得也

皇甫隆遇青牛道士姓封名君達其與養性法即可

傲用大略云體欲常少勞無過虛食去肥濃節酸
鹹減思慮損喜怒除馳逐慎房室春夏泄瀉秋冬
閉藏詳別篇武帝行之有效

文帝典論曰陳思王曹植辯道論云世有吾王悉招
至之其陵有甘始廬江有左慈陽城有郗儉始能
行氣儉善辟穀悉號二百歲人自王與太子及余
之兄弟咸以爲調笑不全信之然嘗試郗儉辟穀
百日猶與寢處行步起居自若也夫人不食七日
則死而儉乃能如是左慈脩房中之術善可以終

命然非有至情莫能行也其始老而少容自諸術
士咸共歸之王使郗孟節主領諸人

近魏明帝時河東有焦生者裸而不衣處火不燒入

水不凍杜恕爲太守親所呼見皆有實事

周日用
曰焦孝

然邇河居一菴大雪庵倒人以爲死而視之蒸氣
于雪畧無變色時或折薪惠人而已故魏書云自
羲皇以來
一人而已

穎川陳元方韓元長時之通才者所以竝信有仙者
其父時所傳聞河南密縣有成公其人出行不知
所至復來還語其家云我得仙因與家人辭訣而

去其步漸高良久乃没而不見至今密縣傳其仙

去二君以信有仙盖由此也周日用目豈惟三子乎

百譚新論說方士有董仲君罪繫獄佯死臭自陷出

既而復生

黃帝問天老曰天地所生豈有食之令人不死者乎

天老曰太陽之艸名曰黃精餌而食之可以長生

太陰之艸名曰鉤吻不可食入口立死人信鉤吻

之殺人不信黃精之益壽不亦惑乎周日用日艸既殺人仍無

益壽者也若殺人無驗則益壽不可信矣

服食

左元放荒年法擇大豆麤細調勻必生熟按之令有

光煙氣徹豆心內先不食一日以冷水頓服訖其

魚肉菜果不得復經口渴即飲水慎不可煖飲初

小困十數日後體力壯健不復思食

絞法服三升為劑亦當隨入先食多少增損之盛豐

欲還者煮葵子及脂蘇服肉羨漸漸飲之須豆下

乃可食豆未盡而以實物腸塞則殺人矣此未試

或可以然周日用日一法蠟塗黏餅炙餅令熟即塗之以意量多少即食之如常渴即飲

冷水忌
熱茶耳

孔子家語曰食水者乃耐寒而苦浮食土者無心不

息食木者多而不治食石者肥澤而不老食艸者

善走而愚食菜者有緒而蚊食肉者勇而悍食氣

者神明而壽食穀者智慧而天不食者不死而神

仙傳曰雖食者百病妖邪之所鍾焉

西域有蒲萄酒積年不敗彼俗云可十年飲之醉彌

月乃解所食逾少心開逾益所食逾多心逾塞年

逾損焉

辨方士

漢淮南王謀反被誅亦云得道輕舉

周日用曰漢書云淮南自刑應

不然乎得道輕舉非虛事也至今維揚境內馬迹

猶存且曰與戊公同處皆上品真人耳既談道德

肯圖叛逆之事况恒行陰德好書藝不善弋獵淮

南內書言神仙黃白之術去反事遠矣夫古今書

傳多黜仙道者慮帝王公侯廢萬機而慕其道故

隱而不書唯老聃不可掩而云三百歲後西遊流

沙不知所之庾書云蜀有女道士謝自然白日上昇此外歷代史籍未嘗言也

鉤弋夫人被殺于雲陽而言尸解柩空

周日用曰史云夫人被大

風拔樹揚沙揭石亦不云尸解柩空

文典論云議郎李覃學郗儉辟穀服茯苓飲水中寒

泄痢殆至殞命軍祭酒弘農董芬學甘始鳴視狼
顧呼吸吐納爲之過差氣閉不通良久乃蘇寺人
嚴峻就左慈學補道之術闡豎真無事于斯而逐
聲若此

又云王仲統云甘始左元放東部延年行容成御婦
人法竝爲丞相所錄間行其術亦得其驗降就道
士劉景受雲母九子元方年三百歲莫知所在武
帝恒御此藥亦云有驗劉德治淮南王獄得枕中
鴻寶秘書及子向咸而奇之信黃白之術可成謂

神仙之道可致卒亦無驗乃以罹罪也

周日用曰
神仙之道

學之匪一朝一人而可得黃白者也仍須有
分昇騰者應須有骨安可偶然而得效也

劉根不覺饑渴或謂能忍盈虛王仲都當盛夏之月
十爐火灸之不熱當嚴冬之時裸之而不寒恒山
君以爲性耐寒暑恒山以無仙道好奇者爲之前
者已述焉

司馬遷云無堯以天下讓許由事楊雄亦云誇大者
爲之楊雄又云無仙道桓譚亦同

博物志卷第五終

音以爲卦極寒臯邱山以無山故音皆然之謂
十獸火炎之不熱當獵冬之執縣之而不寒前山
陰跡不覺論亦短暗拍恐盛盡王中時當想夏之月

今異說音孰厥有骨或曰鹿然前時效也
學之則一時一人而四時黃白皆也此取
神山之苗何姪卒亦無劍以爲異也
謂日限日

博物志卷第六

人名攷

昔彼高陽是生伯鯨布土取帝之息壤以填洪水

殷三仁微子箕子比干

文王四友南宮括散宜生閔天太顛

仲尼四友顏淵子貢子路子張

贛參字敬伯

蔡伯喈母袁公妹曜卿姑也

古之善射者甘蠅蠅之弟子曰飛衛

平原管輅善卜筮解鳥語

蔡邕有書萬卷漢末年載數車與王粲粲亡後相國
椽魏諷謀反粲子與焉既被誅邕所與粲書悉入
粲族子葉字長緒卽正宗父正宗卽輔嗣兄也初
粲與族兄凱避地荊州依劉表表有女表愛粲才
欲以妻之嫌其形陋周率乃謂曰君才過人而體
躁非女聲才凱有風貌乃妻凱生葉卽女所生
太丘長陳寔寔子鴻臚卿紀紀子司空群群子泰四
世于漢魏今朝有重名而其德漸小減故時人爲

其語曰公慚卿卿慚長

文籍攷

聖人制作曰經賢者著述曰傳鄭玄注毛詩曰箋不
解此意或云毛公嘗爲北海郡守玄是此郡人故
以爲敬

何休注公羊傳云何氏學又不能解者或荅云休謙
詞受學于師乃宣此義不出于已此言爲允

太古書今見存有神農經山海經或云禹所作周易

蔡邕云禮記月令周公作

周日用曰禮記疏云第一是呂不韋春秋明呂

氏所制秦邕云
周公未之詳也

謚法司馬法周公所作

余友下邳陳德龍謂余言曰靈光殿賦傳為宜城王子山所作子山嘗之泰山從鮑子真學筭過魯國見都殿賦之還歸本州溺死湘水時年二十餘也

地理攷

周自后稷至于文武皆都關中號為宗周秦為阿房殿在長安西南二十里殿東西千步南北三百步上可以坐萬人庭中受十萬人二世為趙高所殺

于宜春宮在杜城南三里葬于旁

周時德澤盛蒿大以為宮柱名曰蒿宮

姜原祠祠在墉城長安西南三十里

盜跖冢在太陽縣西

趙鞅冢在臨水縣西

始皇陵在驪山之北高數十丈周迴六七里今在陰盤縣界北陵雖高大不足以銷六丈水背陵郭使東西流又此山名運取大石于渭北渚故歌曰運石甘泉口渭水為不流千人唱萬人鉤金陵餘石

大如塢土屋其餘功力皆如此類

盧氏曰秦氏奢

寶多故高作陵園山者從難發也高則難上固則難攻項羽爭衡之時發其陵未詳其至棺否

舊洛陽字作水邊各火行也忌水故去水而加佳又

魏于行次為土水得土而流土得水而柔故復去

佳加水變雒為洛焉

洞庭君山帝之二女居之曰湘夫人又荊州圖經曰

湘君所遊故曰君山

南荊賦江陵有臺甚大而有一柱衆木皆拱之

典禮攷

三讓一曰禮讓二曰固讓三曰終讓

漢承秦群臣上書皆曰昧死言

王莽盜位慕古法昧死曰稽首光武因而不改

肉刑明王之制荀卿每論之至漢文帝感太倉公女

之言而廢之班固著論宜復迄漢末魏初陳紀又

論宜申古制孔融云亦可復欲申之鍾繇王朗不

同遂寢夏侯玄李勝曹羲丁謚建私議各有彼此

多云時未可復故遂寢焉

上公備物九錫一大輅各一玄牡二駟二衮冕之服

赤舄副之三軒懸之樂六佾之舞四朱戶以居五
納陛以登六虎賁之士三百人七鈇鉞各一八彤
弓一彤矢百旅弓十旅矢千九秬鬯一白珪瓚副之

樂攷

漢末喪亂無金石之樂魏武帝至漢中得杜夔舊法
始後設軒懸鐘磬至于今用之于壇也

服飾攷

漢末喪亂絕無玉佩始復作之今之玉佩受于王粲
古者男子皆絲衣有故乃素服又有冠無幘故雖凶

事皆著冠也

漢中興士人皆冠葛巾建安中

魏武帝造白恰于是遂廢唯二學書生猶著也

器名攷

寶劍名鈍鉤湛盧豪曹魚腸巨闕五劍皆歐冶子所

作龍泉太阿上市三劍皆楚王者

風胡子因吳請于將歐冶子作于將陽龍文莫邪陰

湯理此二劍吳王使于將作莫邪于將妻也

也 作劍

赤刀周之寶器也

物名攷

古駿馬有飛兔腰裏

周穆王八駿 赤驥 飛黃 白蟻 華騮 騷耳

騮驢 淩黃 盜驪

唐公有驪驢

項羽有騮 周日用曰曹公有流影而片布有赤兔皆後來之良駿也

周穆王有犬名耗毛白

晉靈公有畜犬名獒


韓國有黑犬名盧

宋有駿犬曰黠

犬四尺為獒

張騫使西域還乃得胡樵種

徐州人謂塵土為蓬塊吳人謂跋跌



博物志卷第六終

博物志

卷之六

三

斜休人睛墨土為蠶吳人睛蛆

其蠶刺西地蠶八其時蘇蘇

大四只為蠶

宋有蠶大曰蠶

韓因有黑大蠶

